



Retningslinjer for prioritering av tilskot til skogbrukstiltak i Austrheim kommune 2023-2028

Innhold

Skogbruk i Austrheim kommune	3
Bakgrunn for utarbeiding av retningslinjer	3
Tidsrom	3
NMSK – midlar	3
Overordna retningslinjer for prioritering av tilskot til skogbrukstiltak i Austrheim kommune	3
Landskapsregion 20 – Kystbygdene på Vestlandet	4
Tilskot til bygging og ombygging av skogsvegar	4
Vegstandard	5
Prioritering	5
Tilskotssatsar	5
Vilkår for tilskot	6
Søknad og sakshandsaming	6
Utbetaling av tilskot	6
Resultatkontroll	6
Tilskot til skogsdrift med taubane, hest og andre driftsmetoder (driftstilskot)	7
Alder	7
Andre avgrensingar	7
Tilskotssatsar (retteleiarande)	8
Prioritering	8
Søknad og sakshandsaming	8
Resultatkontroll	8
Tilskot til skogkultur	8
Tilskotssats skogkultur	9
Tilskot til tettare planting som klimatiltak	10
Skogfond	11

Skogbruk i Austrheim kommune

Austrheim kommune er ein kystkommune i Vestland fylke men ynskjer likevel å vera ein aktiv pådrivar i utviklinga av skognæringa. Der er verdi i den ståande skogen, men det er ei utfordring i kommunen at bruka har relativt små skogteigar. Det gjer det utfordrande å oppnå ei rasjonell og lønnsam skogsdrift. I tillegg er uttransport av tømmer på veger av for dårleg standard, krevjande.

Det har vore noko aktivitet i skogbruket dei siste åra. Eit av fokusområda bør vere forynging av attståande areal. Austrheim har ikkje eit godt utbygd vegnett i utmarka. Det er trong for å byggje fleire skogsbilvegar i perioden framover. Der det er gode skogsvegar er desse også til glede og nytte for innbyggjarane. Det er ein positiv tendens i skogbruket i kommunen, og dette kan føre til auka uttak av trevyrkje dei komande åra.

Det er ein del mindre skogeigedomar i Austrheim og kommunen oppmodar til felles prosjekt på tvers av eigedomsgrenser. Målsettinga for skogbruket er å stimulere til auka aktivitet, samtidig som miljøverdiar knytt til biologisk mangfald, landskap, friluftsliv og kulturminne i skogen blir teke i vare og utvikla vidare.

Framleis satsing på skog dagar, skogkurs og rådgjeving er viktig for å oppretthalde og utvikle aktiviteten i skogbruket.

Bakgrunn for utarbeiding av retningslinjer

I prosessen for utarbeide retningslinjene har Austrheim kommune vore i dialog med Statsforvaltaren i Vestland. Retningslinjene er sendt på høyring til faglaga i landbruket.

Frå 01.01.2020 er det kommunane som har fullmakt til å løyve tilskot til alle skogbrukstiltak etter «Forskrift om tilskot til nærings- og miljøtiltak i skogbruket» (NMSK-forskrifta). Statsforvaltaren fordeler den økonomiske ramma til kommunane for dei statlege tilskotsordningane som forskrifta femner om.

Tidsrom

Dei kommunale retningslinjene for prioritering av tilskot til skogbruksformål gjeld i fem år frå og med 2023 til og med 2028.

NMSK – midlar

I prioritert rekkefylgje ynskjer Austrheim kommune å fokusere på følgjande tiltak for NMSK–midlar i perioden:

- Skogsbilvegar/Traktorvegar
- Nyplanting/ suppleringsplanting etter hogst
- Ungskogpleie

Overordna retningslinjer for prioritering av tilskot til skogbrukstiltak i Austrheim kommune

I «Forskrift om tilskudd til nærings- og miljøtiltak i skogbruket» (NMSK-forskrifta) § 3 står det:

«Det skal fastsettes overordnede retningslinjer for prioritering av søknader. Slike retningslinjer skal utarbeides i dialog mellom Statsforvalteren, kommunene og næringsorganisasjonene i skogbruket lokalt».

Retningslinjene gjeld frem til nye vert publisert.

Alle tildelingar av NMSK- tilskot, med grunngjeving, skal handsamast av landbruksavdelinga hjå kommunen.

Det er viktig og vere klar over at skogeigarane som søker og ynskjer utbetaling av tilskot **sjølve** lyt syte for at bankkontonummer er lagt inn i skogfondssystemet på nett. Dette skal gjerast via «Altinn». Tilskot kan ikkje betalast ut om dette ikkje er i orden.

Landskapsregion 20 – Kystbygdene på Vestlandet

Deler av Austrheim kommune er med i Landskapsregion 20 – Kystbygdene på Vestlandet. Landskapsregion 20 dekkjer ein del areal langs kysten og på øyer som kan vere ueigna for skogproduksjon. Her er det samfunns- og miljømessig ynskjeleg å halde oppe den opphavelige naturen eller føre attende naturen til opphavelig tilstand så langt som mogleg. Landskapsregion 20 (NIBIO) har mykje av naturtypen kystlynghei som ein skal ta særskilt vare på. I nokre av desse områda kan det vere ynskjeleg å redusere aktiviteten i skogbruket, medan ein i andre delar kan ha stor aktivitet. Kva område som fell inn under "redusert aktivitet" vil verte vurdert i kvart einskilt søknadstilfelle.

Ofte har tidlegare treplanting i LR-20 vore motivert av leplanting og brensel, og ikkje kvalitetsproduksjon av tømmer. I dag har kanskje vurderingane endra seg og det kan være fornuftig å fjerne slike trekkjer og klynger utan å plante ny skog.

Plikt til forynging og søknadar om tilskot vil verte vurdert med vekt på omsynet til kystlandskapet og særleg naturtypen kystlynghei. I område der det alt vert drive kommersiell skogbruksdrift kan det gjevast NMSK-tilskot, etter ei vurdering av omsynet til kystlandskapet og kystlyngheiene.

Tilskot til bygging og ombygging av skogsvegar

I NMSK-forskrifta står det: *«Det kan gis tilskudd til bygging av nye, eller ombygging av eksisterende skogsveier når dette bidrar til helhetsløsninger som gir grunnlag for utnyttelse av skog- og utmarksressursene.»* Vidare står det at *«vegen skal være godkjent etter forskrift om planlegging og bygging av landbruksveger, eller plan- og bygningsloven».*

Det kan ikkje gjevast tilskot til skogsvegar før det ligg føre løyve frå kommunen til å byggje vegen. Bruk skjemaet *«søknad om bygging av landbruksvei (LDIR-902)»* som de finn på Landbruksdirektoratet sine nettsider. Det må òg liggje føre godkjent/eventuelt endring av avkøyrsløyve til offentlig veg før bygging startar, noko som søker må avklare sjølv.

For skogsvegar som det vert søkt tilskot til skal kommunen godkjenne byggeplanen. Skildring av kva byggeplanen skal innehalde står på baksida av søknadsskjema LDIR_903_B «Søknad om tilskudd til veibygging».



Vegstandard

Vegen må ha ein standard som er tilfredsstillande for den aktuelle bruken og den skal byggjast i samsvar med gjeldande «*normalar for landbruksvegar – med byggebeskrivelse*». Vegstandarden må avpassast skogen, bruken og det aktuelle området. Større veganlegg bør være planlagt av ein godkjent vegplanleggjar for skogsvegar/ landbruksvegar.

Dersom offentleg tilslutningsveg ikkje held standard for vogntog (12,4 eller 15 meter lengde) eller ikkje har tilstrekkeleg aksellast (under 8 tonn), bør veglag, vegplanleggjar og kommunen som skogbruksstyresmakt arbeide for å skrive opp den offentlege vegen. Om det ikkje let seg gjere å skrive opp den offentlege vegen til naudsynt standard, bør det aktuelle veganlegget prioriterast ned for tildeling av tilskot.

Større fellesanlegg skal prioriterast høgt. For slike prosjekt må det også stiftast veglag. Fordeling av kostnadene for anlegget skal komme fram av underskrive søknadsskjema og det framtidige vedlikehaldet skal vera ordna ved skriftleg avtale før tilskot vert utbetalt.

Det er eit vilkår for godkjenning av tiltak at det berre skal brukast reine massar ved bygging av landbruksvegar i Austrheim kommune.

Når ein veg løyser ut hogst av gran, vil det normalt verte sett krav om nyplanting av gran, eventuelt nyplanting av anna trevyrkje. Om det ikkje er ynskjeleg med nyplanting, kan det verte gjort unntak for dette kravet.

Prioritering

Følgjande prioritering gjeld:

- Vegar (nybygging eller ombygging) i samband med hogst av vindfall.
- Større felles tilkomst-/hovudveganlegg med mykje hogstmoden skog og store produktive skogareal
- Vegar som vert bygd som felles tiltak etter Jordskiftelova
- Andre anlegg i tråd med hovudplan for skogsvegar
- Bilvegar (klasse 2-4) vert prioritert framfor traktorvegar (klasse 7). Det vert normalt ikkje gjeve tilskot til vegklasse 8. Veg klasse 5 (sommarbilveg for tømmerbil utan hengar) skal prioriterast ned.

I einiske tilfelle kan det vere aktuelt å prioritere tilskot til vegklasse 7. Dette gjeld t.d. der areal med planta gran vert løyst ut, er under 50 daa. Vegklasse 7 kan òg vere aktuelt når offentleg tilkomstveg ikkje er godkjent for vogntog. Der terrenget er utfordrande kan òg lågare vegklasse verte vurdert.

Tilskotssatsar

Tilskot til sekundærvegar/traktorvegar ligg i intervallet 25 – 45 %.

Tilskot til bilvegar og tilkomstvegar ligg i intervallet 30 – 60 %.

Anlegg der skoginteressene i eit større område er vurdert av ein vegplanleggar kan få høgare tilskot med 3-4 %.

Skogfond med skattefordel må nyttast så langt det er mogleg. Det vil sei at bygging av større veganlegg bør løyse ut større mengder med hogstmoden skog dei fem første åra etter bygging.

Dersom planen for eit veganlegg må endrast av omsyn til naturmiljø og friluftsliv, skal eventuelle meirkostnader som skuldast dette gå inn i grunnlaget for tilskot. I slike tilfelle kan eventuelle meirkostnader kompensast med ein noko høgare tilskotssats.

Vilkår for tilskot

Tilskot vert gjeve med vilkår om at vegen vert vedlikehalden i den standard den er bygd. Vedlikehaldsavtale skal vere underskrive av grunneigarane før tilskot vert utbetalt. Det skal utførast kontroll av vedlikehaldet på veger som er mellom 10 og 20 år gamle. Statsforvaltaren gjennomfører kontrollane saman med kommunane.

Når ein veg løyser ut hogst av gran, vil det normalt verte sett krav om nyplanting av gran, eventuelt nyplanting av anna trevyrkje. Skogfaglege vurderingar kan likevel vege mot dette. Å ta vare på stadlege naturtypar kan være eit argument for å plante til med anna treslag enn gran. Ved nyplanting i vegen sitt dekningsområde skal det fortrinnsvis plantast gran, men dette må vurderast opp mot mest mogleg føremålstenleg skogskjøtsel tilpassa stadlege tilhøve og berekraftig utnytting.

Søknad og sakshandsaming

Søknad skal skje ved å bruke søknadsskjemaet «*Søknad om tilskudd til vegbygging LDIR-903*») og skal sendast til post@austrheim.kommune.no saman med kartgrunnlag. Kartet skal syne veglinetrasé, dekningsområde (kva skogsområde som skal avverkast) og eventuelt område for masseuttak.

Kostnadene for vegen skal vere kjent før ein søker om tilskot. Anbud eller fast pris er vanleg.

Løyve eventuelt endringsløyve til avkøyring frå offentleg veg skal være gjeve før arbeidet med vegen startar opp. Det vert uansett ikkje utbetalt tilskot før dette er i orden.

Utbetaling av tilskot

Skjemaet «*Regnskapssammendrag for skogsveianlegg (LDIR-904)*» skal brukast for å få utbetalt tilskot. Søknadsskjemaet finn ein på heimesidene til Landbruksdirektoratet. Skjemaet skal sendast til post@austrheim.kommune.no. Det skal først rekneskap for veganlegget med utgifter utan mva. Utgiftene i rekneskapen skal være dokumentert med fakturaer og/eller timelister ved eigeninnsats. Grunnlag for utbetaling av tilskot er rekneskapssamandrag for anlegget.

Om tilskotet skal utbetalast til andre enn skogeigar, må dette merkjast av på søknadsskjemaet. Organisasjonsnummer og bankkontonummer til den som tilskotet skal betalast ut til må først på skjemaet.

Resultatkontroll

Kommunen har ansvaret for gjennomføring av kontroll og minst kvar tredje av dei godkjente søknadene skal fylgjast opp med synfaring. Dei som søker om tilskot, er plikta til å gje opp opplysningar og akseptere dei kontrolltiltak som skogbruksmyndet krev.

Statsforvaltaren og kommunen kan kontrollere at driftsområdet er kvalifisert for tilskot og at drifta er gjennomført i samsvar med vilkår i retningslinene og vedtaket om tilskot.

Tilskot til skogsdrift med taubane, hest og andre driftsmetoder (driftstilskot)

I NMSK-forskrifta står det: «Det kan gis tilskudd til utdrift av skogsvirke med taubane, hest o.a. Tilskudd kan bare gis der det er foretatt registrering av miljøkvaliteter i området. I områder der det ikke er foretatt miljøregistreringer, skal det stilles krav om gjennomføring av de føre var- tiltak som er nedfelt i Levende Skogs standarder».

I fylgje landsskogtakseringa står 30% av planta granskog i Vestland fylke i taubaneterreng. Det er liten konkurranse med anna arealbruk på dei bratte areala og dei eignar seg godt til skogbruk. Taubanedrift er ein viktig driftsform for Vestland fylke. Det er viktig at dei få aktørane som driv med dette, har økonomi som set dei i stand til å utvikle metodar og skaffe seg utstyr i takt med teknologisk utvikling.

Tilskot til drift i vanskeleg terreng skal berre gjevast når drifta vert gjennomført i hogstmoden skog og på ein slik måte at det vert teke omsyn til skogen sine funksjonar i høve til biologisk mangfald, friluftsliv, landskaps- og kulturminneverdiar. Tilskot kan berre gjevast der det er gjennomført registrering av miljøkvalitetar (MiS) i området.

Dersom lang transport gjev ein vesentleg meirkostnad kan kommunen gje tilskot. Dette kan vere aktuelt ved taubanedrift og ved uttak av skog som krev lengre tilkomst (over 500 meter) der virket vert køyrt fram med lassberar eller traktor med hengar på traktorveg eller i terrenget til bilveg. Satsen er 40 kr/m³ levert tømmer.

Det er eit vilkår at etter hogst av gran, skal området plantast til med gran på nytt. Skogfaglege vurderingar kan likevel vege mot dette.

Alder

Søklar må dokumentere alder på skogen (t.d. kopi av skogbruksplandata, boreprøve eller tal årringar) i søknad om tilskot. Det skal takast prøver i ulike delar av hogstfeltet. Lægste alder for å gje tilskot kjem fram i tabell 1:

Tabell 1. Lægste alder for å gje tilskot.

Bonitet	Lågaste totalalder (år)
G26 og betre	55
G23	60
G20	70
G17	80
G14	90

Merknad til tabell: Når alder vert målt i brysthøgda, skal det leggjast til 12 år for å få total alder.

Andre avgrensingar

Det kan berre utbetalast tilskot når drifta vert gjennomført utan særleg skade på spesielle miljøverdiar i området.

Det skal ikkje gjevast tilskot:

- dersom skogsdrifta kan motvirke utbygging av eit rasjonelt vegnett innan eit naturleg avgrensa driftsområde
- til område som skal brukast til andre føremål enn landbruksproduksjon.

Tilskotssatsar (retteleiande)

Taubanedrift (grandrift): 240 kr per m³ (pluss eventuelt tillegg for framkøyning med lastetraktor).

Hestedrifter og løypestreng: kr150/m³.

Prioritering

Hogst av stormfelt skog skal prioriterast.

Søknad og sakshandsaming

Søknad om tilskot skjer gjennom søknad i skogfondsystemet i Altinn, eller på eige søknadsskjema seinast 6 veker før planlagt oppstart av drifta.

I tillegg til utfylt skjema skal fylgjande leggjast ved søknad om tilskot:

- Dokumentasjon på alder og bonitet
- Dokumentasjon på at det er gjennomført miljøregistreringar i skog (MIS). I område utan MIS-registreringar skal dokumentasjon på at det er gjennomført «føre-var-tiltak» i tråd med Norsk PEFC skogstandard leggjast ved.
- Detaljkart 1: 5000 som syner hogstområde, miljøregistreringar og alle skogsveggar (bil- og traktorveggar), eventuelt kart direkte ført inn i ØKS.

I kommunen sitt vedtak skal naturmangfaldlova sine prinsipp om offentleg mynde (§7) innarbeidast og leggjast til grunn for avgjersla om tilskot.

Løyvd tilskot vert utbetalt ved å sende innoppmoding om utbetaling med dokumentasjon på kvantum.

Oppmoding om utbetaling av tilskot skjer gjennom skogfondsystemet i Altinn, eller på kopi av søknadsskjemaet som fylgjer søknaden, med ny påskrift av reelt hogt volum.

Om tilskotet skal utbetalast til andre enn skogeigar, må dette merkjast av på søknadsskjemaet. Vidare må organisasjonsnummer og bankkontonummer til den som tilskotet skal betalast ut til, først på skjemaet.

Tilsegn om tilskot vert gjeve med kort arbeidsfrist, slik at midlane kan nyttast til andre skogsdrifter dersom drifta av ein eller annan grunn ikkje kjem i gong. Tilskotet kan verte trekt attende utan nærare varsel etter tre månader dersom det ikkje er gjeve varsel om at drifta vert forseinka.

Resultatkontroll

Kommunen har ansvaret for gjennomføring av kontroll. Minst kvar tredje av dei godkjente søknadene skal fylgjast opp med synfaring. Dei som søker om tilskot, er plikta til å gje ut opplysningar og akseptere dei kontrolltiltak som skogbruksmyndet avgjer.

Statsforvaltaren og kommunen kan kontrollere at driftsområde er kvalifisert for tilskot og at drifta er gjennomført i samsvar med vilkår i retningslinene og vedtaket om tilskot.

Tilskot til skogkultur

Statsforvaltaren fordelar midlar til kommunane med bakgrunn i aktivitet og prognosar frå kommunen og tildelt fylkesråme.

Skogbrukslova pålegg skogeigar å syte for tilfredsstillande forynging etter hogst, og å sjå til at det er samband mellom hogstform og metode for forynging. Naudsynte tiltak for å leggje til rette for forynging skal setjast i gong innan 3 år etter at hogsten er utført.

Det er frå regionsnivå føringar på at forynging etter hogst av gran, fortrinnsvis skal vere ved planting av gran. I tillegg til at gran har høgast produksjonsevne på Vestlandet, er den ein god CO₂- bindar. Det er derfor eit ynskje frå Statsforvaltaren at gran skal vere hovudproduksjonstreslaget på Vestlandet også i framtida.

Likevel bør det vurderast å plante meir storm bestandige treslag i utkantar av plantefelt og i stormutsette områder. Furu, bjørk og eventuelt andre treslag kan supplere gran på ein god måte, og gje stabilitet og fin variasjon i skogen. Sitkagran og andre framande arter krev løyve til planting.

Tilskot til forynging av skog og ungsogpleie er eit av dei viktigaste verkemidla for å sikre framtidig skogproduksjon. På fylkesnivå vert berre halvparten av avverkingsarealet forynga etter hogst. Dette er ikkje tilfredsstillande og langt frå berekraftig. Austrheim kommune vil slik sett prioritere oppfylging av forynging i form av auka kontroll så vel som kunnskapsspreiing og rådgjeving.

Tilskotssats skogkultur

Austrheim kommune ynskjer å stimulere til planting etter hogst ved å gje tilskot. Ved avverking set skogeigar av midlar på skogfond som han kan nytte til å dekkje kostnaden ved planting. Dette gjev ein skattefordel og tilskotsatsen for nyplanting etter hogst er derfor sett lågare enn andre skogkulturtiltak.

Austrheim kommune ynskjer å stimulere skifte til høgtproduserande bartreslag der det er forsvarleg, som eit ledd i å oppretthalde produksjonen i skogbruket i kommunen. Det er såleis høgare tilskotssats for treslagsskifte til gran. I nokre tilfelle vil det ikkje vere fornuftig å forynge med høgtproduserande bartreslag etter hogst av gran. Dette kan til dømes vere på grunn av oppdyrking eller anna omdisponering av arealet. For å oppretthalde produksjonsgrunnlaget på eigedomen kan ein då gjennomføre skifte av treslag til høgtproduserande bartreslag ein annan stad på eigedomen. I slike tilfelle vil tilskotssatsen vere basert på «nyplanting etter hogst av gran», fordi det skal vera tilstrekkeleg med skogfond til å finansiere tiltaket.



Austrheim kommune gjev tilskot til suppleringsplanting der det er stor avgang av planter. Det vert i tillegg gjeve eit sentralt tilskot til suppleringsplanting. For det sentrale tilskotet er det sett som krav at ein etter supplering er oppe på tilrådd minimum tal planter per dekar (sjå tabell 3).

Tilskot til markberedning kan vere aktuelt ved naturleg forynging eller ved fare for snutebilleangrep.

Ungskogpleie er ein naudsynt investering for å auke tilvekst, kvalitet og ikkje minst stormstabilitet. Austrheim kommune gjev tilskot til avstandsregulering, til dømes ved naturleg forynging, tette plantingar og rydding av lauvtre i plantefelt. I fylgje Norsk PEFC skogstandard skal samansetninga av

treslag vere tilpassa veksestaden sine eigenskapar. Der klima og jordsmonn ligg til rette for det, skal målet vere eit betydeleg lauvtreinnslag.

Hogstflater, som av ulike årsaker (til dømes fare for snutebilleangrep) ikkje har blitt planta innan tre år etter avverking, kan etter godkjenning frå kommunen få tilskot til rydding av konkurrerende vegetasjon før nyplanting. Det kan òg gjevast tilskot til rydding av vegetasjon før første gongs etablering av granfelt.

Kommunane har siste åra fått gode tilskotsramar til skogkultur. Skulle det framover verte lite midlar i høve til søknadsmengd, vil tilskot til nyplanting verte prioritert.

Tabell 2. Tilskotssatsar skogkultur.

Tiltak	Tilskotssats
Nyplanting med M95 planter	30 %
Nyplanting med gran M60 planter	40 %
Nyplanting ved treslagskifte	65%
Suppleringsplanting	30%+ 40% sentralt tilskot, slik at samla tilskot vert 70%
Markberedning	65%
Ungskogpleie (avstandsregulering og rydding av lauvtre i plantefelt)	65%
Mekanisk fjerning av konkurrerende vegetasjon	65%
Flaterydding/ klargjering av plantefelt ved 1.gongs etablering av granfelt	65%

Retningsgjevande satsar:

Planting, eige arbeid: inntil 4,50 kr per plante.

Suppleringsplanting, eige arbeid: inntil 5,50 kr per plante.

Markberedning: inntil 800 kr/ daa, etter dokumentert kostnad.

Ungskogpleie/ mekanisk fjerning av konkurrerende vegetasjon:

- 1-7 meter trehøgd: 600 kr/ daa
- Over 7 meter trehøgd: 850 kr/ daa

Tilskot til tettare planting som klimatiltak

I tillegg til det kommunale tilskotet til nyplanting vert det gjeve eit sentralt tilskot til tettare planting som klimatiltak. Dette tilskotet vert gjeve når ein ved nyplanting vel å plante meir enn tilrådd minimum tal plantar per daa, jf. tabell 3. Tilskotet vert utrekna som ein prosentsats på meirkostnaden med dei ekstra plantene utover tilrådd minimumstal. Opplysningar om til ei kvar tid gjeldande tilskotssats vert publisert på landbruksdirektoratet si nettside.

Tilskotet er per 2023 på 60% av kostnadar gått med til dei ekstra plantene utover tilrådd minimumstal.

Tabell 3: Tilskot til tettare planting/suppleringsplanting

Bonitet	Tilrådd minimum tal planter per dekar	Intervall for tal planter som utløyser tilskot for tettare planting
26	220	220-270
23	220	220-270
20	200	200-250
17	180	180-230
14	160	160-210
11	130	130-180

Fristar for sentralt tilskot til tettare planting og suppleringsplanting:

- Tettare planting ved nyplanting: 1. september (vårplanting) og 25. november (haustplanting)
- Suppleringsplanting: 1. september (vårplanting) og 25. november (haustplanting)

Skogfond

Skogfondordninga er ei viktig finansieringskjelde for mellom anna skogkultur og ved bygging av skogsvegar.

Ordninga med skattefordel er lønsam for skogeigaren og bør nyttast i større grad. I samband med planlegging av hogst vil det framover være spesielt viktig å setje av tilstrekkeleg skogfond. Lægste sats (4 %) er ikkje tilstrekkeleg til å finansiere framtidig skogkulturbehov – planting og ungsogpleie. For å finansiere eigendelen av forynginga og ungsogpleie bør det setjast av 15 % til dette formålet. Dersom det er aktuelt med framtidig vegbygging bør ein setje av maks sats (40%). Om det er sett av meir skogfond enn investeringa krev, kan ein etter søknad få dette betalt tilbake.